



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ephemerologivm Ecclesiastio-Rubricisticum Novum**

**Halden, Johann Baptist**

**Brixinæ, 1717**

Titulus XII. De Dominica I. in Quadragesima.

**urn:nbn:de:hbz:466:1-39937**

## TITULUS XII.

## De Dominica I. in Quadragesima.

Quemadmodum FERIA IV. CENERUM est *Initium Pœnitentiæ*, ita Dominica I. post Cineres, Teste Gavanto, est *Caput Quadragesimæ*, ita dictæ à *Quadragesenario* Dierum magni Jejunij *Número*, non tantum à Moysè & Elia, sed etiam à Christo ipso (totidem diebus, imò & noctibus Jejunante) approbatò. Est autem DOMINICA I. QUADRAGESIMÆ una ex illis *Dominicis Majoribus*, quæ à Rubricistis vocantur *I. Classis*; eò quòd earum Officia nunquam aut omitantur, aut transferantur, adeoque est *Privilegiata* contra quodcunque Festum 9. Lectionum, etiam *I. Classis*, ita, ut nequidem Missam Votivam Solennem de illo dicere hodie liceat per Rubric. Gener. VI. Missal. Unde si Festum quodcunque *duplex*, aut *Semiduplex* in ea occurrat, transferri illud indispensabiliter debet in proximè sequentem diem, nullò Officiò duplici aut *Semiduplici* impeditam: De Festo autem *Simplici* in hac Dominica occurrente fit tantum *Commemoratio* (sine nonâ de eo Lectione, etiamsi aliqui habeat propriam) in *I. Versibus*, *Laudibus*, ac *Missâ* hujus

Dominicæ, uti & quatuor sequentium *Dominicarum*, si aliquod in ijs occurrat.

Ad Officium hujus ac sequentium 3. *Dominicarum* quod attinet, fit illud *Ritu Semiduplici* sequentem in modum: Ad *Matutinum* dicitur *Invitatorium*: *Non sit vobis vanum manè surgere ante Lucem &c.* Quod dicitur in *Dominicis* tantum, usque ad *Dominicam Passionis*. *Hymnus* *Matutini*: *Ex more docti mystice &c.* Cujus *Versiculum* illum: *Memento, quòd sumus sui, licet caduci, plasmati*, ut in gratiam rudiorum Clericorum explicarem, eumque ad sensum Grammaticalem hic reducerem, cum Nonnemo me hortatus fuerit, ajo: *Versiculi illius* hunc esse meò *judiciò* sensum: *Memento Domine, quòd sumus opus manuum tuarum, licet fragile, id est, ad casum, & lapsu proni, seu proclives*, uti habetur *Jobi 10. &c.* *Antiphonæ*, *Psalmi*, ac reliqua dicuntur ut in *Psalterio* per annu; exceptis *Versibus Nocturnorum* (qui dicuntur, ut *ibid.* in *Quadragesima*) ac *Lectionibus*, & *Responsorijs*, quæ singulis *Dominicis* propria assignantur in *PROPRIO de Tempore*: *Nom dicitur Te DEUM* (sed



( sed ejus locò nonum Respon-  
sorium ) nec nona Lectio de Festo sim-  
plici, si quod occurrat, ut paulò antè  
monui.

Ad Laudes in hac, & seqq. Do-  
minicis ad Psalmos ( quorum pri-  
mus semper est *Miserere*, secundus  
*Confitemini Domino*, reliqui cum can-  
tico 3. Puerorum, ut in Dominicis  
per annum ) nec non ad *Benedictus*,  
& ad *Magnificat* Antiphonæ sunt  
proprie : ad easdem Laudes habe-  
tur proprium *Capitulum*, cum *Hy-  
mno*, ac *Versiculo* ut ibi, nec non  
cum *Oratione*, currenti Dominicæ  
propria : huic dein subjungitur  
Commemoratio de Festo Simplici  
( si quod occurrat ) ac tandem Com-  
memorations Communes, seu Suf-  
fragia Sanctorum : Hæ tamen ul-  
timæ non nisi usque ad 1. Vesperas  
Dominicæ Passionis exclusivè.

Ad PRIMAM in hac & Seqq.  
Dominicis usque ad Pascha *Anti-  
phona* propria ex PROPRIO de Tem-  
pore. Pro Psalmo : *Confitemini Do-  
mino*, Psalmus : *Dominus regnavit*  
Ec. ex Laudib. Dominicæ. Ad Ab-  
solut. Capituli Lectio Brevis : *Quæ-  
rite Dominum* Ec. ut in Psalterio  
Tempore Quadragesimæ, & dicitur  
in Dominicis & Ferijs usque ad  
Dominicam Passionis exclusivè. Re-  
liqua ut in Dominicis per annum.

Ad TERTIAM, SEXTAM & NO-  
NAM in hac, & Seqq. Dominicis us-  
que ad Pascha *Antiphona*, *Capitu-*

*lum*, & *Responsoria brevia* propria ex  
Proprio de Tempore. Reliqua ut  
in Dominica per annum.

MISSA in hac, & seqq. Domi-  
nicis dicitur, uti notatur in PROPRIO  
*Missarum de Tempore*, sine *Gloria*,  
attamen cum *Tractu*, & *Credo*. Or-  
atio 2. da *A Cunctis*. 3. *Omnipotens*  
*sempiternus DEUS*, ut ibi. Quòd si  
occurrat Festum Simplex, fit de eo  
Commemoratio, & tunc 3. locò  
dicitur Oratio : *A Cunctis*. Præfa-  
tio Quadragesimal. *Qui Corporali*  
*Jejunio* Ec. In Fine : *Benedicamus*  
*Domino* Ec.

*Vespera*, si cras occurrat Fe-  
stum Duplex, dicuntur de Festo,  
cum Commemoratione Dominicæ  
cum eo concurrentis, etiam si id fo-  
ret 1. vel 2. Classis; non tamen tunc  
fieret Commemoratio Festi Simpli-  
cis cras simul occurrentis, quam du-  
plex, quod non est 1. mæ aut 2. Clas-  
sis, alioquin admittit. Color con-  
veniens Festo. Si verò cras non oc-  
currat Festum duplex, totæ Vesperæ  
dicuntur de Dominica : *Anti-  
phona* & *Psalmus Dixit Dominus*  
Ec. cum reliquis de Dominica, ut  
in Psalterio. *Capitulum*, ut in 1.  
Vesperis, ac *Laudibus* Dominicæ  
currentis : *Hymnus* : *Audi benigne*  
*Conditor* Ec. cum *Versu* : *Angelis*  
*suis* Ec. & *Antiphona* propr. ad  
*Magnificat*, ex PROPRIO de Tem-  
pore, cum Commemoratione Festi  
Simplicis, aut Semiduplicis, si tale  
I 2

cras



cras occurrat : Reliqua ut in alijs de Feria, post Vesperas hodierni Of-  
Dominicis per annum. Col. Violac. ficij dicuntur in Choro Vesperarum De-  
Et sic fit etiam in seqq. Dominicis functorum ut supra fol. 22. Quod etiam  
usque ad Dominicam Passionis ex- observatur in seqq. Dominicis usque  
clusivè. Quod si cras Officium fiat ad Dominicam Palmarum exclusivè,

## TITULUS XIII.

### De Ferijs infra Hebdomadam I. Qua- dragesimæ &c. occurrentibus.

**A**D Officium Feriale, ac Mis-  
sas FERIALES hujus, ac seqq.  
3. Hebdomadatum quod  
attinet, ea sic Ordinantur.

Quando non occurrit Festum  
9. Lctionum, de quo die illo fieri  
debeat, Officium & Missa sunt Ritu  
Simplici, ac sub colore Viol. de Fe-  
ria currente; & OFFICIUM quidem  
usque ad Dominicam Passionis in  
hunc modum : *Ad Marcinum In-  
vitariorum Ferie currentis de Psal-  
terio : Hymnus : Ex more docti  
mystico ex Dominica præcedente.*  
Antiphonæ, & Psalmi Nocturnales  
de Feria currente, ut in Psalterio :  
Versus post ultimam Antiphonam  
Nocturni, ut ibid. in Quadragesi-  
ma : Lctiones tres propriæ de Ho-  
mil. in Evangel. prout notantur pro  
quavis Feria currente in Proprio de  
Tempore. Responsoria post eas,  
quando propria alicubi non assi-  
gnantur, sumuntur ex Nocturnis  
Dominicæ proximè præcedentis hoc

ordine : Feriâ II. & V. ( nisi quan-  
doque, ut modò dictum, aliter no-  
teretur ) dicuntur tria Responsoria I.  
Nocturni. Feriâ III. & VI. tria Re-  
sponsoria II. Nocturni. Feriâ IV. &  
Sabbatò tria Responsoria III. No-  
cturni Dominicæ præcedentis.

*Ad Laudes Antiphonæ & Psal-  
mi de Feria currente, ut in Psalte-  
rio per annum. Capitulum : Cla-  
ma, ne cesses &c, extans Fer. II. in-  
fra Hebd. primam Quadragesimæ in  
Proprio de Tempore. Hymnus :  
O Sol salutis &c, ex Laudib. Domi-  
nicæ præced. Versus : Angelis suis  
&c, ex ead. Dominica. Antipho-  
na ad Benedictus, & Oratio quotidie  
propria; cui ultimæ præmittuntur,  
& quidem flexis genibus ( saltem  
in Choro ) Preces feriales, positæ in  
fine Laudum Ferie II. in Psalterio,  
subjungitur verò Commemoratio de  
S. Cruce, dein Commemorationes  
Communes, seu Suffragia Sancto-  
rum, ut supra; ante has omnes  
verò*